

کتابخانه

آدره من تبدیلند ایریجه
غروش کوندرملیدر.

مکتوبلرک امضاری واضح
واوقوناقلی اولسی و آبرونه
صره نومروسنی محتوی
بولونسی لازمدر

ممالک اجنبیه ایچون آبرونه
اولانلرک آدرسلرینک
فرانسزجه یازلسی رجا اولنور.

پاره کوندردیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد ماکف

والله یهدی من یشاء الی صراط مستقیم

آبرونه شرائطی : هر بر ایچون
سنه لکی (۴۰۰) آلتی ایلمی
(۲۲۵) ممالک اجنبیه ایچون
سنه لکی (۴۵۰) آلتی ایلمی
(۲۵۰) غروشدر.

نسخه سی ۷,۵ غروشدر.
سنه لکی ۵۲ عدددر.

اداره خانه : باب عالی جاده سنده
رشید افندی خائنده

اخطارات
آبرونه بدلی پشیندر.

مسلكه موافق آثار مع المنونیه
قبول اولنور. درج ایدله یین
یازیر اعاده اولنماز.

حریت نسوان

قادیئرزك تحصيل و مسلك ساعزلنده ارککلرله رقابتلری

دون طب فاکولته سی مدرسلرندن آصف درویش پاشا طرفندن دارالفنون قونفرانس سالوننده « قادیئرزك حفظالصحه سی و حریت نسوان » حقنده بر قونفرانس ویریلدیکنی یومی غزته لر یازمشدر . مدرس پاشا قیز چوجقلرینک طفولیت دور، سنده کیمک خسته لقلرینه استعدادلری اولدیغنی و دوغوش اعتباریله ارککلردن داها کوچوک اولدقلرینی سویله مش و بویاشده کی چوجوقلرک اهامالی یوزندن بالنتیجه قادیئلریزم ده دوغورمه قابلیت و مقاومتنک آزالمقده اولدیغنی ایضاح ایتمشدر .

درویش پاشا، علی العموم چوجوقلرک آنجاق یدی باشندن صوکره مکتبه کوندریلمه لرینه طرفدار اولدیغنی سویله مشدر . بالخاصه ۱۲-۱۳ یاشنده کی قیزلرک بوسنه لرده بلوغ حادثه لرینه معروض قاله جقلری جهته یومیه درت ساعتدن فضله درس کورمه ملرینی وابوینک بودوره ده چوق متیقف بولونملری لازم کلدیکنی آکلاتمشدر .

مدرس پاشا بوندن صوکره حریت نسوان بحثنه کچمشدر . ۱۷-۱۸ یاشنه کلن خانلرک عالی تحصیل کورمه لری ایچون لازم کلن شرطلری ذکر ایتش و شونلری سویله مشدر :

« — بر قادیئزك حر اوله رق حیاتی قازانمسی ثروتلری مساعد اولانلرله اولمایانلر کوره دکیشیر . قادیئرزك هبسی عالم اولورسه اوه کیم باقه حق ؟ بونک ایچون اولنه جکلرله عالی تحصیل کورمه جکلر آیریلایدیر .

• اولنه جکلرله اولمش اولانلرک و بونلردن بالخاصه زنکین اولانلرک عالی تحصیل کورمه لری موافق دکلدیر . چونکه بونلردن بکلنیلن وظیفه ده عالیدیر . هیچ اولنیه جکلرک تحصیلی ایسه تدریسات اعتباریله یاشلرینه کوره فاصله لی اولایدیر . زیرا قادیئرزك ارککلرله نظراً معروض قالدقلری فیزیولوژی حاللر ده مزعجدر .

برده قادیئرزك ارککلرله کرک تحصیل و کرک مسلك ساحه سنده رقابت ایتملری جائز دکلدیر . هر مسلكک خیف اولانلرینی اختیار ایتملری حفظالصحه اعتباریله الزمدر . عینی زمانده بوخصوصده قادیئزك هیچ برزمان اوصاف روحیه و وظائف طبیعه سندن اوزاقلاشمه ملیدیر . عمله حیاتنده قادیئزك داها باشقه شرائطه تابمدر . بونلری حکومه صیانت ایتملیدیر . خسته لق ، لحوسه سیغورطه لری یالما لیدیر .

بو اساسلر خارجنده قادیئزك هر صورتله سقوطه محکومدر ، بونک نتیجه سی تناقص نفوسدر . آلمانیا ، ایتالیا کی مملکتلرک قادیئزك حفظالصحه سنده رعایتلری حسیله نفوسلری هر سته مدمش صورتده تزايد ایتکده در . »

مدرس پاشا قادیئزك خسته لقلری حقنده ایضاحات ویردکن صوکره قونفرانسه نهایت ویرمشدر .

اول امرده شوراسنی سویله میم که رأینه مراجعت اولنان ذات ده ، مراجعت ایدن ذات کی ، تفسیر قرآنده صاحب صلاحیت دکلش . بشرتی عرقلره آیران علم تاریخدر . قرآن بشریتک شعب و قبائلله ، عرقت و قومیتله علاقه دار اولماز . هیچ بریغمبرک عرقت و قومیتنی تدقیق و ایضاح ایتمز . قرآنک پیغمبرلردن و پیغمبرلرک قوملردن بحث ایدیشی ، هپ دیانت نقطه نظرنددر . حضرت ابراهیمک عرق نقطه نظرندن یهودی و یاخود نصرانی اولوب اولمادیغنی تدقیق و بیان ایتک قرآنک غایه سی خارجنده در . هم یهودی و نصرانی عنوانلری ، عرقلری دکل ، دینلری تمثیل ایدن عنوانلردر . الیوم اوروپا ، آسیا ، آمریکا اقوامنک برچوقلری نصرانیدر . فقط بونلرک هبسی برهرقه منسوب دکلدیر . مثلاً ، انگلیزلرده ، آلمانلرده نصرانیدر . فقط عرقلری بشقه بشقه در . جرمانلرایله اسلاولری نصرانی عد ایده بیلیرز ، فقط برهرقه منسوبدرلر دییه میز . دیرسه ک ، وقوعات و تاریخ بزی در حال تکذیب ایدر . قرآنک غایه سندن باشقه ، وقوآه ، تاریخه مخالف اوله رق ، یهودیت و نصرانیت کله لرینی عرقت و قومیت ایله تفسیر ایتک بک کولونج اولور .

قبول ایدلم که ، بوکله لرله عرقت و قومیت معنالرنده مستعملدر ؛ فقط حضرت ابراهیمک ، یهودی و نصرانی عرقه منسوب اولمامه سندن تورک عرقه منسوب اولدیغنی استدلال ایتک استدالات علمیه میاننده نمونه سز برطرز استدلالدر . عرقت و قومیت یهودیلکه ، نصرانیلکه ، تورکلکه منحصر دکلدیر که یهودیت و نصرانیلک ساب ایدیلنجه اورتاده بالکیز تورکلک قالسین .

تورکلکه مادی و معنوی هیچ بر فائده سی اولمایان بودعوانی اورتایه آتمق مسلمانلر آره سنده یکی بر سبب اختلاف احداث ایتک تهلیکه سی حائزدر . مسلمانلر مخالف عرقلره منسوبدر . عرقلری هر قی پیغمبرلرایله شرفلندیرمک حسلری او یانیرسه ، بشقه بشقه عرقلره منسوب اولان مسلمانلر کندی عرقلرینی شرفلندیرمک آرزوسیه کندی عرقلرینه منسوب بر پیغمبر بولمایه قالفیشیرلر و اسماعیل حتی امضالی ذاتک بولدیغنی دلیللرکی دلیللر تدارک ایتک خصوصنده مشکلاته دوچار اولمازلر . فردی و خصوصی برحاله او یانان بوکی حسلر بالآخره توسع ایدره ک اجتماعی و عمومی بر جریان حالی آلیر . بوجریان ، اوکنه آلدینی مسلمانلری سوروکله یه ، سوزوکله یه بنی اسرائیل زمانلرنده کی دینلر ایله متدین اولمایه کوتورور . چونکه ، عرقره منسوب بر پیغمبر و بویغمبرکده بر دینی وار ایکن ، بز، نیچون بشقه عرقه منسوب بشقه بر پیغمبرک دینی ایله متدین اوله لم ، دییه جک عرقت غیر تکشلی ظهور ایدر . بو غیر تکشلیک ده ، اقوام اسلامیه آره سنده ، یکی اختلافلر ، یکی تفرقلر حصوله کتیریر . بو نتیجه دن ده تورکلک متضرر اولور . تورکلکه قاش یا پالم دیرکن ، کوزینی چیقارمایه لم .